



مجلس بندياري قتاليج جايا

MAJLIS BANDARAYA PETALING JAYA

Jalan Yong Shook Lin, 46675 Petaling Jaya, Selangor Darul Ehsan.

Tel : 603 - 7956 3544 Faks : 603 - 7958 1494

Hotline MBPJ : 603 - 7954 2020 E-mel : aduan@mbpj.gov.my Laman web : www.mbpj.gov.my

# KENYATAAN AKHBAR

BIL : Ruj. Kami : MBPJ/090100/T/A6/JLD 17 ( )

Tarikh : 9 APRIL 2021

## BAZAR RAMADAN PETALING JAYA TAHUN 2021 BERTEMAKAN 'ECO' DAN 'CASHLESS' BAZAR RAMADHAN

**Sempena penganjuran** Bazar Ramadan Petaling Jaya tahun 2021, Majlis Bandaraya Petaling Jaya (MBPJ) telah menyediakan sebanyak 21 lokasi Bazar Ramadhan di bawah seliaan Majlis dan 4 lokasi di bawah seliaan pihak swasta dengan jumlah tapak niaga sebanyak 900 petak.

Jumlah ini telah mengambil kira keperluan penjarakan fizikal bagi mengelakkan kesesakan orang ramai selaras dengan arahan pematuhan *standard operating procedure* (SOP) yang telah ditetapkan oleh Majlis Keselamatan Negara (MKN).


Pemilihan tema '*Eco*' dan '*Cashless*' pada tahun ini adalah bagi meneruskan agenda Kerajaan Negeri Selangor untuk meneruskan Kempen Bebas Beg Plastik dan Polistirena bermula dari 1 Januari 2017 dan Agenda Digitalisasi Selangor Pemangkin Negeri Pintar Ulung melalui Ucapan Belanjawan Negeri Selangor 2021 yang lalu.

Menerusi program Eco Bazar Ramadhan 2021, Majlis akan terus berusaha memberi insiprasi dan motivasi kepada penududuk untuk mengamalkan cara hidup lestari dengan menukar corak pembungkusan makanan seperti membawa bekas makanan, minuman atau beg kitar semula sebagai pilihan pembungkusan semasa membeli juadah di Bazar Ramadhan.

Sehubungan dengan itu, Majlis meneruskan kempen kesedaran bebas beg plastik dengan program insentif tunai bagi pengunjung yang membawa bekas makanan, minuman, bakul atau bag kitar semula semasa membeli juadah di Bazar Ramadhan. **Pengunjung terpilih yang membawa bekas makanan dan minuman sendiri untuk membeli juadah di Bazar Ramadhan akan diberi insentif berbentuk kupon bernilai RM10.00 yang boleh digunakan pada hari yang sama.**

Program ini memberi kelebihan kepada 2,000 pengunjung yang hadir dengan membawa bekas makanan dan minuman sendiri di Bazar Ramadhan MBPJ yang melibatkan 20 lokasi.





Rajah 1: Program 'Eco' dan 'Cashless' Bazar Ramadhan Petaling Jaya 2021

Program ini bukan sahaja bertujuan untuk meningkatkan kesedaran awam berkenaan kempen bebas beg plastik, tetapi mewujudkan '*strong educational character*' untuk meningkatkan kesedaran dan inisiatif menjaga alam sekitar.

Majlis berharap Inisiatif ini dapat mendorong penduduk di Petaling Jaya untuk mengurangkan penggunaan plastik dalam kehidupan seharian dan terus membiasakan diri dengan menggunakan bekas makanan dan botol minuman sendiri serta sentiasa menggunakan beg kitar semula semasa membeli juadah di Bazar Ramadhan.

Selain meneruskan kempen bebas bag plastik, Majlis juga terus menyokong agenda digitalisasi Kerajaan Negeri dengan meneruskan konsep perniagaan transaksi tanpa tunai (*cashless*) di Bazar Ramadhan ini dengan kerjasama rakan strategik Majlis bersama Maybank, Grab Food, Touch & Go eWallet, Boost dan Dego. Sehingga kini sebanyak 191 peniaga Bazar Ramadhan telah berdaftar dengan syarikat penghantaran makanan dan syarikat eWallet.



Rajah 2: Rakan Strategik

Seperti yang kita sedia maklum, pandemik covid-19 merupakan satu detik sukar dan mencabar kepada negara yang pastinya telah merubah landskap sosioekonomi Negara. Justeru itu, dengan menjalankan peniagaan transaksi tanpa tunai secara tidak langsung dapat mengurangkan risiko jangkitan dan penularan Covid-19 di kalangan peniaga dan pengunjung Bazar Ramadhan.

Dengan adanya program '*Eco*' dan '*Cashless*' Bazar Ramadan Petaling Jaya 2021 dapat membantu usaha kerajaan Negeri ke arah sifar plastik sekali guna untuk persekitaran yang bersih dan sihat menjelang 2030 serta menyokong Agenda Digitalisasi Selangor Pemangkin Negeri Pintar Ulung seperti yang dizahirkan oleh Menteri Besar Selangor semasa Ucapan Belanjawan Negeri Selangor 2021.

Dikeluarkan oleh:

**Sekretariat Media**  
**Unit Komunikasi Korporat**  
**Majlis Bandaraya Petaling Jaya**